

道故內運天經也

晝夜存之自長生

服上五神服色思存不捨不死之道也仙經曰存五藏之氣變為五色雲常在頂上覆蔭一身日居於前月居於後左青龍右白虎前朱雀後玄武即去邪長生之道也

肺部章第九

肺部之宮似華蓋

金宮也肺在五藏之上四垂為宇也

下有童子坐玉闕

童子名皓華肺形如蓋故以下言之玉闕者腎中白氣上與

道藏輯要

雲笈七籤

參集二

肺連也

七元之字主調氣

元陽子曰七元之君負甲持符辟除凶邪而布氣七竅主耳

目聰明七元七竅之元氣也

外應中岳鼻齊位

中岳者鼻也又為臍也臍為崑崙之山鼻為七氣之門位猶

主也

素錦衣裳黃雲帶

素錦衣裳肺膜之色也黃雲帶者肺中之黃脉蔓延羅絡有

象雲氣

喘息呼吸體不快

有時而然

急存白元和六氣

白元君主肺官也大洞經三百元君者居洞房之右是也

神仙久視無災害

邪不干正

用之不已形不滯

常存此道形氣華榮至誠感神之所致也

心部章第十

心部之官蓮含華

道藏輯要

雲笈七籤

三

參集二

火官也心藏之質象蓮華之未開也

下有童子丹元家

心神丹元字守靈神在心內而云下者據華蓋而言

主適寒熱榮衛和

寒熱陰陽靜躁之義也人當和適以榮衛其身老子經云躁

勝寒靜勝熱清淨以為天下正

丹錦飛裳披玉羅

象心藏之色也有肺之白氣象玉羅

金鈴朱帶坐婆娑

金鈴肉藥之象朱帶血脉之象坐婆娑者言神之安靜也九